

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Dan. Stalii Regulae Philosophicae explicatae & Orationes aliquot

Stahl, Daniel

Jenae, 1662

Regula VI. Genus continet species, at species continentur, non continent genera

urn:nbn:de:bsz:31-102400

REGULA VI.

Genus continet species, at species continentur, non continent genera, Porphyrius

Isagog. cap. VIII. §. 4.

I. Atqui, inquis, potius species continet genus, & non genus species. Nam homo secundum essentiã suam continet in se animal tanquã genus, & rationale tanquã differentiam: at animal in se non continet hominem. Si enim animal in se contineret hominem seu naturam hominis, omne id, quod animal esset, homo esset.

II. R. Dupliciter potest dici, aliquid continere aliqua, *actu & potentiã*. Species continet genus & differentiam in se actu, quia ex illis componitur, & in conceptu speciei essentiali includitur conceptus generis & differentie. Hoc autem modo genus non continet species suas: nam ex specie genus non componitur, nec in conceptu essentiali generis conceptus speciei continetur: sicut manifestum est de definitione animalis, in qua nulla fit mentis hominis. Et hoc vult argumentum *s. preced.* At potentiã, & ut Durandus loquitur, *quoad ambitum continentie predicabilis* genus continet omnes suas species: nempe omnes species & differentie divisivæ generis continentur potentiã in genere, sicut

omnes formæ continentur potentiâ in materiâ primâ: quam ob causam & genus materiæ assimilatur, sicut paulò post videbimus. Quoad prædicationem etiam ambitu suo genus omnes species continet, quia de omnibus potest prædicari, & quidem directè. At hõc modò species non continet genus, partim, quia actu potiùs id continet, partim, quia non de omnibus prædicari potest, de quibus genus prædicatur.

REGULA VII.

^{non}
Genus est quid accidentarium species
IV. Top. cap. I.

I. Prædicatur enim genus de specie in quid. Quicquid autem de aliquò in quid prædicatur, id de essentiâ ejus est, & per consequens non potest esse accidentarium.

II. Colligimus hinc, comprehensionem præceptorum, vel artem sumtam pro comprehensione præceptorum, non esse genus artium, ut artis medendi, ædificandi, &c. contra Ramistas: quia comprehensio præceptorum est quid accidentale artibus, quod quidem ita probamus:

Quicquid est de essentiâ rei, eo negata, non potest res dari.

At negata præceptorum comprehensione, potest dari qualibet ars.

E. præ

E. præ
Minor
prehensio
dari ab
Consequens
Antecessor
& formæ
rectus,
nec tanquam
præceptorum
eorum
cum ea
sunt, quæ
tema ad
actu for
endum
sitione
concipi

Genus

I. C.
XII. l.
tur ge
materi
in Hæg
II. C.